

再版桃源縣志

丁巳暮春
邑人王世槐題

版志 382

地 220.67

34.1

21~4

桃源縣志

江甯李鑒署



民國六年春再版
金陵印刷社印行

再版桃源縣志序

泗陽夙號桃源濱臨泗水因易今名縣故有志前清康熙乾隆兩朝迭經修輯去今二百餘年迫待重修顧邑本瘠苦保誠受任以來朐逾半載稔知民生彫敝水患頻仍弱者忍飢寒強者爲盜賊目擊心傷拊循之不暇又奚忍以修志派費重困我民哉爰訪求舊志冀爲保存而變閱滄桑久經散佚僅得民間手抄一部擬亟付鉛印俾後來有志重修者知所折衷不致漫無稽考且鉛印價廉工簡易告厥成謀諸士紳僉應曰可並屬序其事於簡端保誠承乏斯土愧無治行不足爲斯民造福猥荷邑人士羣相推重詎敢以不文辭矧茲吉光片羽之留貽實爲考獻徵文之先導則維持保護官斯土者與有責焉嗚呼由今之世溯古之俗所見所聞渺難符合過此以往又將何如讀是志者可以感矣

民國五年丙辰十一月

知泗陽縣事海甯汪保誠謹叙

再版桃源縣志序

再版桃源縣志序

郡縣之有志猶國家之有史也國家亡則修史朝代更則修志此通例也我國光復以來於茲六載因革損益無敢或荒而於各縣志書尤斤斤焉以纂修爲急務誠以保章辨埜廼擅圖經鄴侯入關首收圖籍民國幅幘遼闊苟非從事修輯恐非國家設官分職郵制保邦之至意也桃源地傍洪湖夙稱低窪迭遭水患民不聊生固大江以北一僻壤也汪公璞齋丙辰春來攝縣篆下車伊始卽留意故事參考利病而因革之秋間始覓得舊志鈔本然以年湮代遠簡陋殊甚自前清開國迄今幾三百年未嘗載筆從事修輯談何容易爰特商諸余設法籌款付梓重印以免散佚汪公此舉誠屬扼要之圖語云莫爲之前雖美弗彰莫爲之後雖盛弗傳此之謂乎余以是時經理全縣教育欸產事務責有攸歸遂領之並命余經理其事茲當重印告成用誌數言聊作紀念云爾

民國六年三月下浣邑人張復華序

再版桃源縣志序

縣之有志猶國之有史族之有譜也國無史則治亂得失之鑑亡而政教禮法無以撮其要族無譜則派別統系之序紊而行誼品節無以窺其微縣無志則盛衰興替之迹泯而風土人情無以明其概歐美列邦能發揚民氣漸進文明而政治日臻於美備者良以月有著錄歲有報告舉凡羣治之變遷天演之進化罔不備載靡遺使其國之人士得以鑑往知來咸默化潛移於不自覺也我國各縣例有志書文獻綱羅無美弗備惟我泗陽一邑夙號桃源兵燹迭遭掌故早墜僉壬宵小既足以自便其私圖邦人士夫又無以發揮其景仰殊非國家所以經畫疆域設官分治之本旨也丙辰春汪公璞齋以海寧名士來宰是邦興學育才不遺餘力因革損益無敢或荒而昕夕旁皇引以爲懼者尤在於縣志之失修查桃源南傍洪湖地勢窪下連年水患庚癸頻呼雖有小康亦不過百之一二民國以來袁江兵燹邑人財產損失匪輕近年雖異大荒元氣究未恢復設使重修縣志經費何籌然部令諄乚又以纂修縣志爲急務使並此舊志而無之上固無以副國家之望而下亦難以收自治之功

再版桃源縣志

序

一

汪公有鑑於此爰特徵求舊志覓獲某氏鈔本商諸教育欸產經理處張君復華籌欸再版殆猶是古人抱殘守缺之盛心偉哉此舉誠知本哉余是年適主筆政於江南報界秋節返里省親汪公遂以再版事謀於余並委余經理暨擔任校讎事宜余以桑梓公益義不容辭爰於丙辰冬携省付梓至今年暮春始告厥成功雖殘闕相沿簡陋已甚然遺聞軼事既畧具有端倪倘後之君子續斯編而纂修之未始非節省金錢與勞力之一助也是爲序

民國六年歲次丁巳邑人王培槐序於省城大江南日報館求是廬

再版桃源縣志職員姓名錄

總經理

江蘇泗陽縣知事 汪保誠（浙江人）

副經理

兩江優級師範畢業生 張復華（邑人）

副經理兼總校

江蘇公立法政專門學校法律科畢業前清廩生 王培槐（邑人）

分校

江蘇省立警察學校畢業生 趙榮賢（邵縣人）

日本警監學校畢業生 王春生（江甯人）

前清監生 王木君（江甯人）

再版桃源縣志

職員姓名錄

一

重修桃源縣志序

我國家重熙累洽恩普德洋海宇昇平河流安軌幅員之廣極於無外典策之富甲於古今固已職方遘師之所不能載內史外令之所不能掌者也猶復徵集遺書輯軒四出南極滄波渤海之中北最赤磧紫塞之外去中國億萬餘里測日影於分至準道里於圭綫積數十年勒成皇輿圖考一書琅函燦煥彼西京班志元和郡國志雖擅美千古其何足以語此猗歟盛哉何治之隆而文之蔚也然國有紀載乃治統道統之昭垂邑有志乘實遵道遵路之明驗邑統於郡郡統於省省統於天下舉凡象緯山川人物古蹟與夫禮樂兵農方維戶賦囊括包舉於一書之中尤先必於邑志基之矣則邑志一書其可漫視乎哉予奉簡命巡轄淮徐歷有年矣襄帷所至而兩郡十七屬之民情土俗各有不同正不啻山河之風景各殊也爰緒爰度整飭綱維期於一道同風以向時雍之化由是知採謠俗登紀載成一良史信而可徵者皆有關於世道人心也孰謂修志者非留心地方之良吏乎淮屬之桃源乃瀋河衝邑向之記載寂寥康熙初年前令蕭君奉檄承命草創急就缺畧實多迄今數重修桃源縣志

道憲呂序

十餘年事與時更今楚南睦君來宰此邦政治之暇有志重修博採遺文旁蒐故實增新知而必當踵舊事以增華以至戶口之數貢賦之則河防漕運聯貫於有委有源祀秩公儀覈綜於有典有則分爲十卷列爲八綱固有美之畢登亦無幽而不闡事呈物備指列星羅可稱斯邑良史矣書成乞叙於予余惟今之邑宰猶古之百里侯也今之邑志猶古之職方書也朝廷設官詔爵疆圉所至民社繫焉風聲所行教化繫焉而於體國經野之方辨土宜民之制無不燭照數計而具經畫良模睦君此書其所以潤飾廣運照臨之化者心亦苦矣功亦偉矣於以備修郡志省志一統志者採擇焉豈僅爲桃源一邑之書而已哉今睦君仕優績最調繁嚙城猶拳七於此書之成而後行也其真有關於世道人心者也遂不辭濡筆而爲之序

乾隆三年三月之吉分巡淮徐等處地方江南提刑按察使司副使加八級紀錄十

次又軍功加一級呂維炳

重修桃源縣志序

躬逢 聖朝輿圖之大幅幘之廣包涵乎四海之外不冒乎覆載之中雖唐虞三代未有若斯之盛者也前奉 聖祖仁皇帝詔徵天下志書而窮鄉僻壤之記載無不羅而致之 輦轂之下藏諸 天府以備參考嗣奉世宗憲皇帝命大修一統志因而各省之志有修焉各郡之志有修焉然孰非由每縣之志彙輯而成書者乎倘縣志殘缺則纂修無本邑乘雖小其有關於 王府之圖籍非淺鮮也予自丁巳夏奉 天子命來守淮郡而桃源爲淮之屬邑邑宰睦令係瀟湘俊彥羣玉賢良初來進謁予詢其邑中大概卽歷陳因革瞭如指掌併備言邑之載籍多漂沒於洪濤毅然以重修志書爲己任夫桃邑之志自知縣蕭文蔚搜羅散軼博採舊聞創始成書距今不過五十餘載乃已若存若亡僅有什一於千百天下事有作者於前不可無述者於後固如是夫予因爲之獎許而鼓舞之睦令愈踴躍而從事焉卽出其稿以示予其間山川城郭之壯麗臚列如畫人物藝苑之美盛炳若日星至於河渠賦役之有關 國計民生者無不補亡而訂謬焉此舉也爲 朝廷定經制爲百世立章程

重修桃源縣志

府憲白序

雖一邑之典故他日爲輜軒之採擇非卽 王府之圖籍也哉是爲叙

時 乾隆三年二月望日知淮安府事三韓白礫撰

重修桃源縣志序

余奉 簡命總督江南河道職掌所關歲屢周行巡視經過之處除察核水汛物料及籌畫堤掃工指授方畧外輒詢及地方情形城郭若何倉庫若何學舍祠廟若何公廨若何驛站若何田賦之繁簡完欠若何戶口之盈縮若何風俗人物之淳漓盛衰若何無缺畧否有起色否抑瘠瘵而不能振刷否因以識令茲者之賢不肖而爲之咨嗟爲之獎訓爲之勸勉提撕期於共底循良以仰答 聖天子爲國用人祿養臣工之至意桃源古宿預淮瀆地元始改爲桃源屬淮安府天文兼徐揚分野地處窪下險工林立昔年河決爲患民罹昏墊地方凋敝閱舊志令人不堪卒目雍正八年余在蘇藩任內爲地擇人見哇令人尙誠實不事雕琢心地亦復明白知其必能認真辦事於地方不無少補時任上海丞因詳委署茲土撫軍尹亦樂從焉越二年而實授既余來淮浦廉其政迹頗見稱於士民之口閱工過桃見邑中諸事果皆就緒地方亦殊改觀~~過~~非昔比余益勉之乾隆二年十二月初九日余視河從毛城舖歸宿桃之北門工哇令持所修桃源縣志請序余惟志之作所以紀一邑之事蹟使

重修桃源縣志

河憲高序

一

不至歷久而無傳且以備 國家採擇焉甚盛舉也邇者 朝廷念紀載之重 特命督撫大臣纂修省志檄行府州縣取向所有舊志悉以陳其間有殘缺不堪者有並無饒版者羽催飛下殊費周章令操管者毫無援據其將何所取裁乎缺一邑卽不成全書後之視今亦猶今之視昔然而簿書鞅掌才短事煩日不暇給能及此者蓋鮮矣况桃源當水陸衝道尤爲繁劇也乎哇令能留心於此其可嘉也已至於志之體裁宜酌古準今欸目宜無遺無混敘述宜簡當該括援引宜確切詳明哇令以孝友端方才可辦事而文亦可觀保舉出身自能擅長余不具論是序

時 大清乾隆二年歲次丁巳臘月念吉總督江南河道提督軍務兵部右侍郎兼都察院右副都御史高斌題於清江官署

桃源縣舊志序

自癸亥歲 皇上尤大臣請令天下郡縣皆修志尉曾受中翰羅公龍山命修縣志東鄙猶然况大邦乎諒天下之爲邑者無小大皆有志矣丙寅冬尉始膺一命泣桃邑兩閱月各上臺修志之檄七八至駭詢之乃知天下獨淮屬之山陽安東及桃三邑無志然山安物華天寶之區而亦同桃源無志也耶桃之民以十分計水去其七蝗蝻又去其二賴前藩伯慕公有微臣目覩一疏尙得遺民一分歲修夫去一分之三衙門念餘皆有役又去一分之一二送銀鞘解逃人曳撥兵船繹非一分之四五不可然則桃源猶有民哉抑豈無民但無歌肩之民耳民且皆家下河嚴檄各縣募夫老幼惶愕盡廢生理木府單公懇詳淮揚道魯公公悉其困力請部院孫公公惻然免之卽此知桃邑雖有民猶無民也桃之士多被黃河衝潰幸河憲靳公添築濇縷二堤民恃以不恐但沃者皆濇河有例許植官柳柳已無算礮者悉沉沙泥中若陸城吳城兩鄉爲魚鼈所占過半矣餘皆湖蕩能豐茂草春冬猶有涸時夏秋則波濤撼及牀席人皆構巢而居也桃之物水雖多無蓮芡魚雖多盡鯽鰱布帛絲枲取

重修桃源縣志

舊序

自他邦棗栗蔗菱蟻於過客是民不能自養土不能養人物不能爲養居官者性雖好貪亦無可貪性卽好廉亦桃能成之較之仕能養官之邑而官不以爲養者自不忤也且盈眸皆如雪落之羽書聒耳有似雷奔之驛馬諸如十日不能辦必限一夜備者一月內又凡有幾近遵撫軍趙公教限期講心學因有親諸生之時談及刻志四庫皆驚以爲無遑也昔桃有所出時猶未暇及况今日乎尉告以凡事宜求之已耳已能檢自有餘費已能勤自有餘力已能容自有餘時今已閱丁卯及夏矣以丁卯而成癸亥之書且以丁卯而成癸亥以前不知經幾癸亥之書何怪乎諸生驚書既成偕競幸數百年之邑而一旦有書雖然非書也乃鄭監門之圖耳倘各上臺覽而生憐爾必更悔書不蚤成徒使延佇以至今日也夫康熙二十六年丁卯律中蕤賓之月古桃園令東魯蕭文蔚撰

重修桃源縣志卷之首

知桃源縣事零陵陸文煥撰述

序圖

前聖見龍馬負圖而畫卦傳曰立象以盡意蓋因圖成家也至濂溪周子著太極以明易不爲象而爲圖者圖之與象理同而事異其欲有據依而不涉於空虛揣測則同然象僅能傳意必明哲而後達圖直可按形無智愚而皆見故圖尤顯也凡志首列圖者蓋以地勢之方位水道之流通村墟之疎密岡阜之連續一展卷而卽攬其綱維然後次第以尋曲折不至於左右互易上下倒凌此圖與史同列爲不可廢也桃邑數十年以還河流遷徙運道開鑿其大者也雖四封如舊而津橋廬井與夫田陌陂塘之爲變更亦屢矣若按舊圖而索之不幾扣盤捫燭而瞽者誤指爲日觀乎故桃志之修不可已而修桃志之圖尤不可已俾閱者披圖瞭然視今之桃非復昔之桃者形也非意也無智愚而皆知也雖然造物之撰因時遞遷彼爭自濯磨人傑地靈能令光景常新者余將與都人士共期於斯圖焉可矣

重修桃源縣志姓氏

鑒定

欽命總督江南河道提督軍務兵部右侍郎兼都察院右副都御史加七級高 斌
欽命提督江蘇等處地方學政禮部左侍郎加五級張廷璐

鑒修

特授分管 務總理江安江徽甯池太廬鳳淮揚十府糧道按察使司副使加三級
王之琦

特授分管漕務督理蘇淞常鎮四府糧儲道兼巡視河漕按察使司副使加三級姚
孔鈺

特授分巡淮徐道轄邳睢宿虹桃源等處按察使司副使加六級呂維炳

特授分巡淮揚海通駐劄淮安府按察使司副使加五級 孫鈞

復設江南河庫道按察使司副使加六級張師載

特簡江南淮安府知府加三級白礫

重修桃源縣志

卷之首

姓氏

一

特簡江南淮安府同知加三級姚廷棟

纂輯

江南淮安府桃源縣知縣加一級陸文煥

分輯

江南淮安府桃源縣縣丞黃廷銑

江南淮安府桃源縣黃河南岸主簿孫兆震

江南淮安府桃源縣黃河北岸主簿范昭遠

江南淮安府桃源縣中河主簿陳克澹

分校

江南淮安府桃源縣三義司巡檢王繼超

江南淮安府桃源縣典史汪光謙

江南淮安府桃源縣古城驛驛丞沈 博

參輯

蘇州府監生陶裕濟

杭州府候補州同張文錦

武昌府文學張懋根

永州府文學高璠

杭州府生員程夢麟

門下校訂

丁巳科舉人胡禮全

廩膳生員翁宏聲

校字

江南河工効力監生男睦日培

睦日壇

監生姪睦日坦

重修桃源縣志

凡例

一向來志書多立總目以分括諸條使歸班就部不致散漫無統如綱之振綱裘之挈領實爲良規茲亦倣其體例釐作八款各以彙屬如土產附田賦風俗附典禮務欲閱者抽端緒而尋脈絡則指歸瞭然斟酌惟期於當不必繼從同也

一志列入綱中條目四十有三每綱有論以推其原本目下更有引以括一事之始終而目中之目不與焉至篇內記述間附案查見數十年來遺亡散逸一旦蒐羅難備庶他日輯郡省志者留心各就所聞補訂云

一邑自 聖祖仁皇帝詔徵天下志書知縣蕭文蔚奉文創始其時連歲水浸卽借爲鄭監之繪賈傳之哭今則平土安居備文獻之規模供 朝堂之採擇宜就舊志稍加刊定如建邑分星之類援據前史上參郡乘旁蒐鄰志明白辨晰惟期與從來地理天官合符不致訛謬若更精微必須

祕府輿圖

重修桃源縣志

凡例

一

監書角算學本無涯敢謝不敏焉

一全引舊志者則爲註明其有彼畧而此詳不復分別以從省也

一邑前此凋敝皆由黃水冲決且疏開中河又係五十年來創舉遷徙變更並有原委豈得避嫌越俎不爲記載乎但刊定河工諸書皆牽連通省難以繁引茲專採桃邑事宜揆次順序首尾聯貫頗費苦心非簪撮鈔謄便能勒成一書也

一財賦爲 國家重務桃邑賦役全書因龍窩之決洪濤沒城吏胥駭避致鏤版存廊悉漂無踪僅據節年陞徵蠲除報銷糧冊牽算合攤至所以裁復解存緣由詰之房吏或稱案失或指人亡不能詳悉夫舊志距今不過五十年而事蹟泯滅如此况更歷久遠乎修志誠有不得不急者也

一名宦鄉賢不分已未入祠揆次開列見名賢輩出不可數拘也至鄉賢祠奉

祀設主入祠忠義祠奉

祠題定享祀原屬一體故忠義孝友總冠以鄉賢若節孝祠係

國家褒揚懿德式俗維風已經

褒獎者固用登錄而蓬門幽隱苦志冰清正復不少但一查實卽行註入以俟褒獎用彰雅化

一節孝例由本族具呈取地隣甘結送案存查已經舉報卽行入誌非是不敢妄登書成後倘更遺漏姑俟後來補訂可也

一田賦藝文兩項因篇幅繁多各分爲二卷以便檢閱

重修桃源縣志目錄

卷首

圖

卷一

輿地志

沿革 星野 疆域 形勝 山川 坊鄉集鎮 關井橋渡 古蹟 塚

墓 祥異

卷二

營建志

城池 學宮 壇廟 公廨

卷三

田賦志上

田糧 戶口 夫折

重修桃源縣志

目錄

一一一

卷四

田賦志下

驛傳 鋪遞 蠲恤 倉儲 賑濟 土產

卷五

河漕志

河防 河官 河兵 堡夫 防禦 漕運

卷六

典禮志

朝儀 公儀 釋奠 祠祀 寺觀

卷七

秩官志

文職 名宦 武職

卷八

人物志

選舉 鄉賢（仕績 孝友 德義 流寓 文學 隱逸） 烈女 賢母
壽奇 仙釋 方技附

卷九

藝文志上

卷十

藝文志下

重修桃源縣志

目錄

二